

曾文正公詩文集

曾文正公
詩文集

四部叢刊初編集部

曾文正公詩集目錄

卷一

四言

題楊忠愍公二疏手草

題易公筠亭遺像

五言古

雜詩九首

里胥

送吳榮楷之官浙江三首

題錢崙仙同年慈竹平安圖二首

寄懷劉孟容

題周小邨前輩塞外課經圖

地用莫如馬一章思賢也

題龍九詩

贈李生

西征一首呈李石梧前輩

留侯廟

柴關嶺雪

廢邱關

岱雲同年喪妻爲此詩譬之

寄弟

乙巳春闈謝戴醇士前輩畫竹

請醇士前輩畫竹歸貽樹堂題詩一首

又贈筠仙一幅

送王子壽歸荊州五首以高步追許由爲韻

送陳岱雲出守吉安

丙午正月二日作

題篋谷圖

送王孝鳳之雲南卽題其尊人松菊圖

題錢崙仙難燭修書圖

題孫君采芝圖二首

洲陳慶覃侍御

小池

茲晨

失題

題泛海圖

秋懷詩五首

洲薛曉鵬

送舒伯魯

劉安詩

送莫友芝

題彭旭詩集後卽送其南歸二首

丁未六月廿一爲歐陽公生日集邵二寓齋分韻得是

字

送黎樾喬侍御南歸五首

題季仙九師采蘭菰菊圖

題朱伯韓詩集後十首

送黃恕皆使秦中

北堂侍膳圖爲姚吏部題二首

題陳氏五世鄉賢遺像

韓齋爲孔舍人題

桐陰消夏圖爲史吏部題

題苗先麓寒鐙訂韻圖

養閒草堂圖爲潘博士題

陶太常小像

會合詩一首贈劉孟容郭伯琛

王母方太夫人詩

贈李眉生

題俞蔭甫羣經平議諸子平議後

訓王壬秋徐州見贈之作

卷二

附 伎求詩二首

七言古

謝疊山賣卜研爲劉太守題

送凌九歸

送楊春皆歸

題毛西垣詩集後卽送之歸巴陵五首

題顧南雅先生畫梅應何子貞

傲奴

瑣瑣行戲簡何子敬乞醃菜

反長歌行

題畫蘭三首應田敬堂同年

贈何子貞前輩

題唐鏡海先生二圖

感春六首

爲何大令題明趙忠毅公鐵如意

喜筠仙至卽題其詩集後

六月二十八日大雨馮君樹堂周君苻農郭君筠仙方

以試事困於場屋念此殆非所堪詩以調之

苻農旣和余詩而三子者皆見錄於有司乃復次韻

題明陳忠愍公雪聲堂硯爲唐觀察樹義作

題醇士前輩爲演生師書竹壘前韻

洲岷樵

移居偶成

陳慶覃詩鈔題辭三首

憩紅詩課戲題一詩於後

書朱皋亭家傳後

送周文泉大令之官城武

送凌十一歸長沙五首

送謝果堂前輩歸江南

題王少鶴復砧課讀圖

丙午初冬寓居報國寺賦詩五首

酬李生三首

次韻戴醇士邵蕙西見過

題平谷山莊圖

題王麓屏扁舟歸養圖二首

書嚴太守大關賑糶詩後

送黎樾喬侍御南歸

題張后舟煙雨歸耕圖

太學石鼓歌

題朱伯韓侍御之尊人詩卷手蹟

題簪篸谷圖

答李生

題唐本說文木部應莫邵亭孝廉

贈吳南屏

游金山觀東坡玉帶詩

卷三

五言律

早起憶九弟二首

得郭筠仙書並詩卻寄六首

寄弟三首

獨出

訪苗先麓

懷劉蓉

歲暮雜感十首

桂湖五首

至日二首

雨

送吳英樾之官浙江兼簡魏黃生大令三首

送鄧伯昭兼簡家伯醇秀才三首

莫過竹如

東鄰杜氏義塾

送王少鶴

送金_三度之官闔中

七言律

歲暮雜感十首

寄郭筠仙浙江四首

三十二初度次日書懷

憶弟二首

漫與

聞客話里中近事

元戎

溫甫讀書城南寄示二首

早發沔縣遇雨

初入四川境喜晴

梓潼道中有懷馮樹堂陳岱雲

早發武連驛憶弟

三十三生日三首

國士橋

哭少時同學某

送妹夫王五歸五首

酬九弟四首

贈梅伯言二首

夜直苦寒

吳宮黃病中屬市鹿尾

臘八日夜直

失題四首

丁未六月七日考試漢教習試院作二首

武會試闔中作

送孫芝房使貴州二首

書邊_二襄后詩集後二首

送梅伯言歸金陵三首

酬李芋仙二首

次韻何廉昉太守感懷述事十六首

讀吳南屏送毛西垣之卽墨長歌卽題其集

五言絕句

讀李義山詩集

七言絕句

入陝西境六絕句

題畫竹次醇士前輩韻二首

送唐鏡海先生九首

壬戌四月沅弟克復巢縣和州含山等城賦詩四首
沅甫第四十一初度

曾文正公詩集卷一

四言

題楊忠愍公二疏手草

古孰無死曾不可班輕者鴻毛重者泰山楊公正氣充塞兩閒
遺文妙墨深播人寰馬市一疏聲振薄海更擊賊臣五奸十罪
心追逢比身甘菹醢取義須臾歸仁千載翩翩諫草猶存手藁
古柏擎空似枯彌好鬱此英風輔以文藻長有白虹爛茲瓌寶
題易公筠亭遺像

昔歲在丑喆人西遊我作挽辭比許文休馬磨既甘不競不綠
亦有月旦胸剖九流東崖奉親朝戲綵舞暮歸讀書羣言藻斧
鄉闈屢試黷無完桐文章憎命淚灑秋風不於其躬迺祚其子
濯濯芳蘭芥拾青紫弓冶不墮載述先芬瞻言遺像永播青塵
五古

雜詩九首

早歲事鉛槧傲兀追前軌張網挈陬維登山追岌巖述作窺韓
愈功名鄴侯儼三公渺如稊萬金睨如屣腸胃鬱千奇不敢矜
爪觜稍待蘭蕙滋烈芳行可喜豈期搗鷺駘前驅不踰咫滔滔
大江流年光激若矢春秋三十一頑然亦如此染絲不成章橘
遷化爲枳壯盛百無能老蒼真可恥糲散吾所甘多是慚毛裏
西山何鬱鬱白日馳昭昭六街淨如練雙闕凌神霄沈沈府中

居員井鏤瓊瑤翠恩周四角窗霧縠絞綃公子盛文藻九陌鳴
金鑣羣從袂成幄掠風馬蹏驕紅燭舞絳雪會宴皆金貂朝餐
羅鯖鯉晚衙沸笙簫今夕既相酢明日還見招天高地則厚何
事不逍遙

手輟不烘燼足趼不趨徑問我何自苦我歌君且聽激湍無駐
波止水光凝凝榱棟與構榱豈曰非天定東蒿代虹梁於道未
爲稱朝菌濡濃露天天不及暝適意一須臾骨朽猶詬病可憐
繁華子醉夢幾時醒炫妝豈無服自媒羞妾媵已矣吾何營閉
戶覽明鏡

傷禽悲弦聲遊魚驚月影丈夫貴偏強女子多虛警強弧有時
弛夷塗有時梗颶風揚海濤潮平已復靜君子別有憂眾人恐
未省

霜落萬瓦寒天高月浩浩美人在何許相思心如擣我昔覲美
人對面如蓬島神光薄軒墀朱霞蕩初曉彩鳳儀丹霄顧視無
凡鳥意密恩還疏微誠不敢道貽我彤管煒燦兮希世寶可憐
金屋恩長門闕秋草謠詠日以多觀閔曾不少寵眷難再得蛾
眉行衰老區區抱私愛夜夜祝蒼昊

天雞鳴半夜六合未清曉烏鵲鳴向晨羽毛誇矯矯一旦金丸
驚戢翼啗百鳥鳴鵲流惡聲萬方憂集夢青蠅鳴棘樊繆彰復
虛晶間鳴百無補嗟爾秦吉了螻蛄草間鳴亂人徒擾擾

入門忽悅悅出門復皇皇嗟我素心人各在天一方庸夫厭鼎
食誼士謀糟糠奔走徧天下歸去仍空囊秋老江湖闊何以慰
淒涼勿勞我之思我今足稻粱所憂非所職所樂殊未央日暮
登高邱四顧何茫茫落葉東南飛孤雁西北翔思君不得觀慘
澹詠斯章

松柏翳危巖葛藟相鉤帶兄弟非它人患難亦相賴行酒烹肥
羊嘉賓填門外喪亂一以聞寂寞何人會維鳥有鷦鷯維獸有
狼狽兄弟審無猜外侮將予素願爲同岑石無爲水下瀨水急
不可磯石堅猶可磻誰謂百年長倉皇已老大我邁而斯征辛
勤共羸糲來世安可期今生勿玩愒

誰能烹雋燕我願燎桑薪誰能釣巨鼈我願理其綸南溟芟蘋
藻可以羞鬼神大材與小辨相須會有因嗟余不足役豈謂時
無人

里胥

牛羊忽竄突邨社雜喧豗昨聞府牒下今見里胥來召募赴戎
行羽檄馳如雷後期不汝宥行矣胡遲迴老嫗搥胸哭哭聲亦
何哀龍鍾六十餘伶仃惟一兒弱小不識事黃犢母之隨筋力
儻可食或免一家飢薄命不足惜兒去傷永離老嫗泣未闌老
翁跪致辭王事亦云棘婦人那得知螻蟻穴寸土自荷皇天
慈天威有震疊小人敢疑猜貧者當敵愾富者當輸財便當

遣兒去不勞火急催所媿無酒食與吏佐晨炊貧者勉自效富者更可悲隸卒突兀至誅求百不支舊繻紕袴子囊餽飽鞭笞前卒貪如狼後隊健如犛應募幸脫免傾蕩無餘貲吁嗟朝廷意兵以衛民爲守令慎其柄無使胥吏持此輩如狐鼠蔡蔡肆恣睢聊爲道人徇敢告良有司

送吳榮楷之官浙江三首

讀書三十年今來始一試自抱輪囷材構廈隨所置世人苦寒儉舞裊先擇地斤削不能遷罍盜各自器君子儲百用多藏如列肆深厲與淺揭所向皆如志君本青雲士摩空排健翮置之承明廬枚馬當偃幟才多厭閒散翩然去作吏方今清華秩駢拇僅云備不如膺專城張弛從吾意觀魚莫結網網過酷於餌治絲莫求多緒多亂神智聖朝淪治恩陬濫實漸被可憐蚩蚩氓惇惇還好義願君愷弟思隨時勞撫字

西湖吾未到夢想若遇之荷花夏如海當春萬柳垂秋月隨潮湧暮霽天無涯三百六十寺嵐翠渺迷離君去事幽討扶剝發天倪餘慳收昔遁奇賞獲新知朝餐吸山綠暮雨張水嬉尋碑嗅梅藥獨往無人隨政成無一事風流方在茲懷抱一如彼江山復如斯此樂可持贈寄我千首詩

鄉閭昔相從殷勤託詩酒再來長安道舟車竝攜手如今彌曠遠脫然絕窠臼少年尙意氣嶸嶸各自狂風塵飽所諳蒼然皆

老醜激湍亦已平眞氣充斥戶牖相見無藩籬灑落眞吾友昨夜秋風來嫋嫋涼生柳念子當乖離旁皇如失守萬族各有營歡聚焉可久意趣苟無違秦越如左右後會知何年今茲歲在丑

題錢崙仙同年慈竹平安圖二首

冉冉南山竹柯葉互檀欒上有一片雲下有九畹蘭清風相夏擊虛碧鳴秋寒玲竚走鞭散抗衡勁節千養成兩雛鳳文彩何姍姍高枝足棲宿芳實供朝餐歸昌忽采律言振九霄翰引吭發鈞奏俯視失鵷鸞卻顧簞簞谷依舊青琅玕年年託美蔭歲歲祝平安

紅塵日夜深遊子思無已倦鳥有時還桑弧有時弛我有山中廬槿籬夾綠水修竹倚大椿重重互幡纒發條播芳蕤清陰亦何美依戀會有因庶往慕桑梓殷勤寸草心區區方在此

寄懷劉孟咨

清晨采黃鞠薄莫不盈櫛甯知弟昆好忍此四年別四年亦云已萬事安可說昔者初結交與世固殊轍垂頭對鐙火一心相媚悅炯然急難情榮榮光不滅漣瀾一揮手南北首塵絕君臥湘水湄辟人苦扁鵲懷璧誤一投已遭官長別我作燕山囚衾機冷如鐵塵土塞中腸經旬閒隔夢魂互往還邂逅在嵎嶠君魂畏豺虎我魂阻蛇蠍明年會長沙對牀殊咄咄可憐郭生賢日夜依我闥三子展殷勤五句恣猖獗自從有兩儀無此好

日月決渠東西流人事有蹉跎當時別江干懸知成久闊郭生
從我行再踏長安雪東謁貢廊廟塗丹強作關磐松困澗底千
歲老不屈行藏一以歧會合焉可必知君障汚塵憎我逐煩熱
摧蘭擣作麝本聲固難奪皇天造羣倫位置各成列煌煌帝
者都峩峩集勳閭前庭充組主後閣煖清瑟大馬疾如飛高車
如電掣陋巷時騎過牆震窗紙裂而我支肘眠朦朧兀頑劣視
蔭呼晚飯終年曾不缺癡兒亦肯堂四齡已饗養所愧儻太倉
無異哀窮乞養君老巖阿閒味甘於蜜嗟哉趣豈殊所處良不
一坦蕩觀皇途轉側思家室永懷素心人悠悠難具述

題周小邨前輩塞外課經圖

肉食多亨途通儒邁百閔時蹇心匪乖身窮道未寤周君信奇
孩天機苦捷敏昔歲乘青驄羣飛畏秋乘偶被金丸驚可憐翠
羽隕十年遠海行九月邊風緊銅雀夢觚棱鐵衣錦續純自信
茲遊豪甘受世人晒日日抱叢書森森如束筍吾道儻欲東獨
善良不忍此邦盛球琳多士紛簪箇斧斤試一施設率聊可引
弟子初反車先生大倒困文囿張百旃經畝接千畛但期道傳
薪未要歸載稱昨者唱刀環塞外回文軫勝事告友朋餘味足
咀吮方今柄師儒華秩半卿尹虎觀車如龍辟雍市如蜃會看
招旌旂且須嚴鞫稽古榮復榮吾言非盡盡

地用莫如馬二章思賢也

地用莫如馬越險思驍騰豈無汗血種相求亮未曾萬鍾繼稟
粟千金贄鉤膺隆儀苟一闕市駿休漫稱
人用莫如龜幽室能廢燭告猶儻見從外侮敢余毒從短翻棄
長惜哉支牀足良無藻稅登不如塗泥辱

題龍九詩

李唐盛聲律初響鏗華鐘逮及下衰時切切鳴寒蟲扶輿發朝
氣百彙曜麟龍缺月夜騰光不與東昇同秋霜入科木色黯蒿
與蓬文章說心腑本不從窳隆能者自植立餘子靡隨風孰於
眾音颯玉振開羣鸞君才美無度大圭宜廟中君詩如春融秋
爽亦自工內好用爲賢琢刻生芒鋒南輅斐然作山水滌襟胸
雜什多未芟略可芟麾耳要道鏤不舍金木隨所攻且況力有
窮輿昨辨西東終然到聖處今古誰雌雄

贈李生

生名嗣元是科四川十九名余在閩中最愛其文
少真美才也年廿二歲
因作古風一首贈之云

岷山萬仞雪太古人迹稀中有窈窕谷綠蕙芳以菲幽芬亦已
鬱賞識方庶幾澗邊棘荆滿山上春草肥託根亮同地豈辨誰
是非地亦不能易香亦不能飛忽逢荷樵子采頰盈裳衣臨風
再三嗅俯仰情依依由來有臭味不必崇知希

西征一首呈李石梧前輩

我昨賦西征燭燭實朱夏烈日焚人荒息影無寸暇孱體甘所

侵炎威有少借一病罹百艱煩煎竟日夜夙昔傷勁弓聞弦神
已怕壹志事呻吟警儀任嘲罵瘧疫難指名熱寒互嬗謝粒食
經旬辭況能問燔炙帶月方首塗參橫未云罷顛簸筭輿中嗟
磨破腰跨奴子蒼黃詢庸醫再三詫猛然肆造攻云當一戰霸
惡秀雖已鋤良苗亦失稼隔旦嗜其疲無復平生咤皮皴面有
窪耳聾氣愈下慘澹過潼關沈昏渡清灞赫赫李中丞旣旣范
韓亞老罷臥三邊犬羊敢狙詐聞我至驪山材官百里返秋雨
長安邸征鞍庶一卸旅魄頗飄搖公來百慰藉遣僕炊香粳呼
僮伺館舍徵醫未辭頻饋物不論價古誼暖於春美言甘於蔗
我魂稍稍旋望蜀仍命駕裹藥充篋篋買飴養嬰姪漸覺身能
輕如馬脫韉靴吾固慶生存眾雖亦嗟訝燕譽多親知艱難少
姻姬承甥夫子賢高情壓嵩華賤子不足矜西人實沾化

雷侯廟

小習習聲榮達人志江海咄咄張子房身名大自在信美齊與
梁幾人飽載臨畱邑茲巖疆亮無懷璧辜國仇亦已償不退常
何待鬱鬱紫柏山英風渺千載遺蹤今則無仙者豈予給揭來
瞻廟庭萬山雪皚皚赤日巖中生照耀金銀彩亦欲從之遊惜
哉吾嬾怠

柴關嶺雪

我行度柴關山光驚我馬密雪方未闌飛花浩如瀉萬嶺堆水

銀乾坤一大治走獸交橫奔凍禽竄荒野揮手舞巖巔吾生此
瀟灑憶憶少年時牽狗從獵者射虎層冰中窮追絕壁下幾歲
馳虛名業多用逾寡久逸筋力頽回頭淚盈把

廢邱關

項王西入關叱咤何雄哉鼻息撼山岳號令如轟雷分茅割大
地駕馭英雄才六王既立後三將還西來降臣剖符竹洪度方
洞開廢邱亦善地百里關蒿萊桓桓章將軍乞乞魏虎材奸豎
主帷幄大將終疑猜望夷不足惜此類良可哀行人一長歎萬
壑悲風迴

岱雲同年喪妻爲此詩譬之

陳君喪厥妃善憂世無有情至生幻機有夢造王母紫殿何言
言眾星挂戶牖穆滿翔其旁方朔戲其後陳某蟻蝨臣昧死訴
左右彼有何德功鵲鵲到白首此獨何罪辜生世不少久剜肉
補其天於德未爲醜食貧八九年辛勤足梁笱何擊之難追斬
刈如惡莠王母返袂泣倉皇頗怵怛方朔踉蹌出曰余不執咎
眾生自生滅非神有官守高秋金氣肅萬葉同衰朽朝落非獨
殤夕脫非獨壽皇天了不知無人司薄厚不見狼狽女蓬頭雙
足垢一生不洗面媚夫稱佳偶亦有綠林豪掠人如雞狗堂前
妖姬舞堂下鬼妾走彼雖得偕老於君意可否此雖中道捐名
聲極萬口令妻果然然令何必在駘耄惡妻不可言牀第森械枉

陳君翻然覺再拜謝善誘歡喜不復愁逢人但索酒

寄弟

昔我初去家諸弟各弱小阿李髡兩髦觀人眸子瞭後園偷棗栗揉升極木杪叔也從之求揖我謂我矯分甘一不均戰爭在毫秒余時輕別離昂頭信一掉老弟況童騃樂多憂愁少暫然成六秋光陰如過鳥世味一飽嘗甘心厭茶夢夢裏還鄉國滿涂苦了了朝企恆抵昏夕思或達曉君詩忽見慰迴此肝腸繞生世非一塗處身貴深竊眾萬奔恬愉聖賢類悄悄二陸盛揆張鶴唳悲江表夷齊爭三光豈不在餓殍我今寄好語君聽其勿藐一願先知命再願耐撝撝

乙巳春闈謝戴醇士前輩畫竹

余少淪賤負學書等畫墁中歲儻太倉誤爲金紫絆文字雖所攻淺嘗不能半邇來又十年拋棄如土炭豈謂選佛場謬來事襄贊列仙盛瀛洲腰魚何璀璨禁院局重根沈沈百桂觀鍵戶無一營馳箋鬪豪翰蘸藍埽秋葉斯須復堆案眾雛亦好事奔命極雨汗戴高聖雲孫三絕天所歎干謁填其廬鐵門說三換竭來困棘闌逢人勾脫腕爲余寫新竹風筠兀緯亂呵壁呼老可筌案何足算我雖不解畫書古頗知岸但得琴中趣何必工抑接爲報青琅玕微詩庶一粲

請醇士前輩畫竹歸貽樹堂題詩一首

孔翠閉雕籠失羣忤本性懷我如玉人三旬闕賓敬老醇今鄭虔支離頗自聖余爲揚其波畫詩極輝映寫此貽君子持將作寶鏡鈞以喻其文幹方晚節勁桃李漫紛紛語君勿與競物外求交知塵中闕幽巖

又贈鈞仙一幅

人生有乖隔咫尺成關山我心日百轉從來輸石頑日吾語戴侯君在張李閒爲君畫新竹幽澹不容攀我家雙谿上萬竹圍沙灣涼夜幽篁裏月冷水潺湲行攜子偕隱鹿豕相往還詩名滿天地蹤迹混榛菅

送王子壽歸荆州五首以高步追許由爲韻

冠組墮塵海與世日滔滔豈知魯連子脫身美遜逃十輩甥與鸞跳跟不能高黃鵠冥一舉大地如秋毫

揮鞭拾科名咄嗟踏天路四十非不彊萬卷非無具尋直如可期須臾得少駐側聞馮潛郎龐眉守故步

盛年窟關輔結客頗支離負米半天下有婦愁朝炊詩名滿湖海持是欲安之菰中一漁笠懷哉不可追

天人互轉旋時勢有虎鼠結交貴結心甯當變寒暑可憐拙匠斤謬被饅人許一杯君強醕無人解觴汝

皇明燭八極小范臥西州嗟君老從事招招豈無舟廢興難可道時來不自由投竿要強起何代無馬周王君當爲林少穆制軍幕府從事

送陳岱雲出守吉安

有序存

驪駒且莫喧我歌始一放憶昔初逢君漢濱俯高浪同拾春官
第天門踴閭閻射策干義軒挾神一何王君喁我斯于躡履星
辰上雙鳥不分飛短翎實所傍借屋兩頭居嬉遊不可狀六月
寒瓜肥嚼水滌府藏劈半持作冠狂呼極跌宕秋雨催歸人膏
車各南向長沙揖君廬入門刪三讓拜母升後堂排筵倒家釀
明歲同還朝百扶接居巷朝餐或來過夕渴還相訪問學商
米鹽經綸說魚醬驅驢駕雞棲似狗頗茁壯有甌例宜塵無衣
安用析我道夫子賢世人或嘲謗世人病我頑夫子憐其誑袍
笏雖支離貌卑心則亢平生企高退力微不自量樹德追孔周
拯時儼葛亮又兼韓歐技大言足妖妄夫子不予譏和高越初
唱洽比三四年爲懽懽亦云暢卯歲夏之中九門盛炎瘴君實罹
其災一病月三望毒熱轟外疆客瘞兀中脰有婦賢且勤顧天
事供養背分荀令涼饘進冀缺餉剗肉補其天有神實克相繫
我相扶持計窮屢快快國工吳如與鄭小調齊妙心匠鬼錄不
見收人謀信可仗由來福與禍茫茫自天貺時月無幾何中饋
遘死喪我時匍匐救倉皇事拊膺黃口抱呱呱稽首別總帳移
巢翼其兒室毀于無恙良人匪頑石焉能缺悽愴傾家營奠齋
淚河送反葬我謂君已愚稽經懼失當君謂情自縷誰超六塵
障展轉彌再期病貧互摩盪南望問戶饗儲糧不盈盎摧腸與

感眉萬端欲誰諒一朝被殊恩千憂始滌蕩士窮守艱危時
來類放曠爲君述前塵在莒憤無忘報恩不在他立德乃可尙
丈夫要努力無爲苦惆悵

丙午正月二日作

蹉跎三十五聞道其既晚去日良已富來程亮復遠自從伊闕
亡大道閉元捷有暫不識珠賣珠事驕蹇微數陳豆籩小知辨
蜉蝣迂腐譏淵騫空疏誦商偃前者激波瀾後者恣鬪很大江
日滔滔眾人死婉婉誰能抱孤芳寂寥守舊晚通經不達時失
身下豬圈嗟予局咫聞亦不工嗜嗜非仁不敢祖非義豈嘗本
所學誠流俗攀躋但分刊不挂高明眼議評盲少損民各有依
倚吾甯變愚拙文字局緘滕經綸在房桐浩蕩冠蓋場一心自
嘉遜聊用陳區區夢魂庶諡穩

題簞谷圖

大雅卽高詠耽隱青山岑手折簞管枝鏗爲琅玕音松風石壁
高菁霧林霏深幽幽人不知獨鶴明孤心

送王孝鳳之雲南卽題其尊人松菊圖

累世無咎繇冤民塞九縣數署危眾魚吞舟不加譴王叟邦之
良溫恭少側弁獄吏一牽連秋毫忤雷電田甲時見陵馬遷莫
相援盆底無昊天荷戈出摩甸萬里蒲蠻道征人淚如霰廿載
餐糲糜衣無故時線回首望家山柴桑信所戀老松儻無恙叢

菊向誰綯有子鏗華鐘蜚聲震金殿武庫羅其胸干將思一割
誓上提縈書不乘長卿傳一麾首滇南征心已如箭預想王坦
之初覲懷祖面抱持至膝上悲喜集一見萬事如浮雲滄海日
千變獨有骨肉離重逢真可羨明歲唱刀環懽聲若雷忭歸食
武昌魚比鄰張高宴 鳳詔喧里閭純孝迴 天眷不學朱壽
昌徒登獨行傳

題錢崙仙燕燭修書圖

腐叟音塵湮千載無完史斷代自班生銀規破大體茂先賞三
志編摩或索米舊書畱覺瑕但爲吳生詆數賢不足珍餘外況
靡靡 聖代盛文章羣英躡前軌殷鑒成編唐經今繼美磊
磊南董倫影纓足幡纓錢子邦之良弱冠搏金紫涇渭原胸中
袞鉄極筆底朝踏東華路柴車等敗屣夜歸南窗下椽燭照大
几一字褒幽潛片言殫茲宄曲直在豪端誰能矜爪觜我亦載
筆臣大弢久復弛三載糜官錢飯糜亦莫洗披圖聊粲然作詩
一酒取

題孫君采芝圖二首

孫君名葆恬字勸吾善畫人嘉慶己卯舉人道光六年以大挑選桃源縣

學教諭芝房侍講之父也

眾羽工飛鸞先生獨摧挫十載桃花源寒糴屢告破古木發深
彈從來拒俗和采薪晞殷頑餐英補楚些自擷三秀芝窮年振
寒餓豈謂人事乖悠悠卽長臥撥草求長生無靈欲誰那長是

拜畫圖千秋聆咳唾

少室吾黨英儲能實完好韶齒殊不廉閒偷仙人棗航海探琪
花踰蹀躞三島根本良已深眾芳信在抱言采幽蘭歸種作階
前草上有竹修修下有清風埽竹節寒逾堅貞心永難老風暖
扇餘馨縈香滿穹昊

訓陳慶覃侍御

赤水沈元珠千年遲象罔君子迴深眷翻然辱旌獎馬走那解
詩鉤章事兩莽秋蟬挂高柳風過自成響豈意師曠聰偏聽發
謬賞維君堅高壘無人敢掉鞅筆端一縷香百靈通肝靈方今
隆棟穹伊巫擁天仗巢燧無闕遺無處著崛彊以茲得雍容閒
吟寄慨慷有書亦盈牀有沽亦盈盎六宇自冥冥湫塵莫子網
請君拊羹石子亦擊堯壤

小池

屋後一枯池夜雨生波瀾勿言一勺水會有蛟龍蟠物理無定
資須臾變眾竅男兒未蓋棺進取誰能料

茲晨

茲晨曷不樂端念良自尤自吾有爪觜半啄匪躬謀俯視見后
土仰視見光浮關門赫婢僕雄長如諸侯專精事羹飯餘政及
乾饑兵後物力絀平世生齒稠人人似我飽實重黃屋憂吾
皇惕味爽彼相爭前籌聖者自危厲愚者自優游大哉六合內

人類難等儔

失題

西山一夜雨秋氣入庭除清晨展書坐脩然樂有餘天宇一何廓蕩蕩眞吾廬煊煊夸毗子守隘無曠居眾鱗爭坳潒鬣鬣安得舒豈知逃閒寂放蕩得尾閭吾樂正如此君樂復何如

題泛海圖

昔我糴瓜州金焦望巖巖山咫尺閒不得窮巖巖還家逃遊蹤高堂一笑莞江湖險可吁泛海況不難撫摩慰驚魂輾脚呼盤瓊由來慈母心險夷最所揀孝廉本儒衣文章富編刻胡爲涉遐思浮海窮謁鸞有母足慈悲奉佛信悲憫共道洛伽巖實惟仙藥產神人渡迷津福汝能簡簡虔禱或有憑孝思本無限圖此塞寸誠靈心聊結撰何知妄與眞雲濤紛滿眼

秋懷詩五首

木葉下如雨西風吹我衣天地氣一肅回頭萬事非虛舟無抵忤恩怨召殺機年年絆物累俯仰鄰詬譏終然學黃鶴浩蕩滄溟飛

蟋蟀吟西軒商聲方茲始小人快一鳴得時亦如此大澤藏蛟龍嚴冬臥不起明歲澤九州功成返湫底吾道惡多言喧囂空復爾

吾愛邵夫子謂仁和節義長古之三益者鑿鑿攻我瑕不隨世人啞薄

俗尊文章吾亦事苟且赫赫揚子雲末途裂於瓦再拜謝獲人斤斧行可捨

城頭昨宵月今夕虧其圓丈夫矜小節一缺誰復全蝸廬抱奇景高視羲皇前蒼蠅駢尺璧江漢難洗蠲馬融頌西第今爲時所憐

吾友劉孟容遺我兩好書三年不報苔幽怨今何如深山閤大寶光氣塞州閭樊英履壇席名業箕斗虛補天儻無術不如且荷鋤

訓辭曉颿

大谷閤幽蘭由來習霜雪摧挫彌歲年歲蕤滅昔悅本性誠未移芬芳詎可滅時物一爲遭適爲吳人擷會合亦有宜廢興固難說旁有荷樵子殷勤事拳櫨出山嗅懷裏餘馨亦未輟臭味良有然非渠獨明哲

風騷難可熄推激惟建安參軍信能事聲裂才亦殫寂寞杜陵老苦爲憂忠上承柔澹思下啟碧海瀾茫茫望前哲自立良獨難君今抱古調傾情爲我彈虛名播九野內美常不完相期蓄令德各護凌風翰

送舒伯魯

神駒秉清峻墮地凌無前男兒志萬里亦在華妙年舒生吾楚雋結髮疲丹鉛內外承嘉蔭託根魁斗躔迎歸范陽府結客彌

幽燕遂來窟京輦滿月鸞鳴弦謂言抬高第如掇牀頭錢人事
有奇偶虎鼠非吾權文章不斌媚例爲時世捐芝蘭合鋤刈朝
蘭香徹天可憐壯夫志摧撼終不遷時時造我闥屏慮商詩篇
高吟動厚地幽思縋重淵維桑古有敬況此接才賢昨來忽告
別歸意何翩翩寢門疏定省有爲世網牽一鳴不稱意脫去如
鷹鷂趙孟等閒事難者參與寫馬走螽此閒歲月逐風顛謀歸
百不勇送女聊自錫

劉安詩

新甯江君忠源子之執友也數爲予稱其邑孝子劉安
者道光丁未亥年齒六十江君求予以詩揚其行爲老
人光悅且以風里人夫甄采畸德作獨行傳之長編史
氏之任也嘉善而懲不能勸一而勵百亦士大夫有風
俗之責者事也故爲之詩歌遠貽劉安名某字某實

縣學生

金峯萬山轉劉安巢山椒邦人所賓禮與山兩峯堯天窮苦無
告孤露初及髫傾家樹四壁馬磨風蕭蕭朝餐或恥益夕飲恆
賭瓢子衿式學省童冠各在招束脩敏薄少歲穫償裝櫛上堂
奉甘滑入室馨脂膏一噎三咻摩一食再溫劬蒸梨或忤志捐
斥無寬條嬰兒抱酷愛畢世非一朝白日不東返孝養隨臂飄
所餘栢與椹傍身市瓊瑤觸時卽子卯有賓如春潮仰供不知

幼俯畜安能饒舉家沽鷺雁妻餒兒號宵維寢不鹵莽長短與
量料紉箴教補裂呼粥權息囂鄉鄰敬其誼百里無飛鴉長官
式其賢唾息不敢驕噫乎血氣倫報本義所要人紀有乖沸茲
實懸之杓惠迪經所訓物理亮非遙感歎遂成詠庶以風鄙澆

送莫友芝

豪英不地囿十九興偏邦斬崖撥叢棘往往逢蘭莊黔南莫夫
子志事無匹雙萬書薄其服廿載幽窮鄉今年偶作劇射策來
都堂青鞵側破帽日繹書賈坊邂逅一相見揖我謂我臧劉郎
吾庸敬好事迷短長炙酒頰君頰亦用沾我腸微瀾時激引稍
稍觀濤江可憐好手眼不達時溫涼果然被捐斥鋤刈不成芳
誰能尼歸駕飄若驚鴻翔我時走其廬深語非淺商次及蓼莪
痛老淚何浪浪嗟余亦心性內刺能不降寶然拜牀下十分肅
老龐關山有乖隔人事不可詳萬里共日月肝膽各光芒作詩
勛歲莫亦以勸劉郎

劉郎謂某雲

題彭旭詩集後卽送其南歸二首

日日送歸客情抱難爲佳老彭復去我內撫焉所偕往予初遇
子睇睽無等儔鷹眼迴高秋勢不甘塵埃自言因鄉國橫被口
語猜絳侯畏牖背田甲欺死灰脫身來洛下稍攝驚魄回風波
一震薄萬事何有哉雄篇忽枉我峻句何崔嵬拔肝膽露憂
患才地開終然達紫氣幽獄難可埋男兒要身在百忤甯足推

臨歧不知報努力乾深杯

大雅淪正音筆瑟實繁響杜韓去年搖落吾安放浩妄差可
人風騷通脰饗造意追無垠琢辭辨倔彊伸文揉作竊直氣摧
爲柱自僕宗涪公時流頗忻嚮女復揚其波拓茲疆宇廣大道
關榛蕪中路生罔兩屏夫阻半途老大迷歸往要當志千里未
宜局尋丈古人已茫茫來者非吾黨竝世求人難勉旃各慨慷
丁未六月廿一爲歐陽公生日集邵二寓齋分韻得是字
讌飲非吾欣十招九不起豈不耽羣歡未諧諾與唯今日飲邵
侯婆娑辦一喜多因坐上賓可人非俗子梅_{言伯}名世姿蕭然
紅塵裏蟬蛻三十年萬事如脫屣獨畱文章性貞好無遷徙頗
獎歐陽公時時挂牙齒後者開曾王前追韓與史自妄持此論
斯文有正軌二三邦國英風流相依倚持斤向老鼻郢門欲成
市邵侯宏其波崢嶸見爪背時作好事人排蕩詩酒理長安三
月雨炎威方一弛洗醖招近局眾資稍填委尙想老醉翁茲辰
實攬揆展圖拜光儀焚香追無始餒餒初在嘗良琴復動耳跌
官宇宙間嗶嘍亦未已鄙人質昏頑百非遘一是麋鹿生野性
謬來絆金紫紛華一蕩涵精光半銷毀常恐道未聞殞身同螻
蟻苦緇六一公終古長不死名位匪絕人所貴不關彼作詩謝
邵侯梅安竝送似

送黎樾喬侍御南歸五首

原六首其六
七古見二卷

時歲善道邁煩悵無少舒秋色滿大地良朋遐去予十年聚京
輦竝頭相响濡深言洞金石密意安綦綯傾歡酌家釀鐙火照
狂愚不能久依倚脫棄如驚鳧民生各時令進止非人圖物自
持其末吾自敦其初高秋天萬里浩蕩一春鉏

硯吾欲焚

平生秉微抱志與詩騷親孤音裂肝膈劃然震乾坤持用告庸
子舉世襲不聞先生有妙鼻容吾揮一斤賞妍越恆理逐臭訛
奇芬高歌切哀玉吹我上青雲多譽墮盛德雖然豈不仁文章
事微薄在物未爲珍秋豪較得失老死相斷斷從今旣根本破
萬歲行滔滔後水逐前水今古數達官河沙不可紀生存勢薰
天死去飽螻螳達人計深長誓不欲穠秕嗟余本野性邂逅絆
金紫尺寸無功能高明畏神鬼雷同溷太倉或恐損廉恥倦羽
企歸風余亦行休矣筐筥錡松秧從君萬山裏

逆夷昔爛漫兵甲禦南東殺人飼蛟鱷大海爲之紅君時卽我
謀雪涕向蒼穹夜半草萬言朝奏甘泉宮道謀復旁午羣策雜
昭聾聖擇有姑舍神斷自天聰自獻雖不效義憤倖買終

事往一回首人各發舊蒙所貴中無疚焉計達與窮

洞庭天下闊清樾橫六字中有兩佳人乃是淵騫伍湖北字某
雲南曰孟容甫厥氏同劉宗神明本漢祖實惟吾友生交期澈
肺腑乖隔漫闊河夢魂奔越苦朝憶便成昏夜思或達午此士